

二爵香浮氣倍蒸飲之可當海籌增諸生試問人生樂曾否如
斯得岸登

禮成三爵飲興多狼藉杯盤乏高歌諸子爲吾廣一曲笛譜雲
天月在波

自題

木筆一枝妙入神愚盲喚醒字皆珍道人發下宏深願不薄今
人愛古人

贈左靖虛

靖虛靖虛備清才冷冷風送撲鼻梅當日何韓年少得聖胎結
就脫凡胎

道藏輯要

東園雜詠附

三

又續壁集七

語劉子達中

匏官拋卻賦歸鄉回首湘江路渺茫欲覓大丹無外務斂神就
範問黃房

示劉朝勳

活人活已兩相安天意人心一樣看他日功成歸去也雲山一
笛過層巒

賞夾竹桃海棠蕙三種

片片桃花寄竹枝海棠爭艷襯丰姿惟有蕙香偏撲鼻移來一
處惹新詩

示楊學仁